



Bosnia and Herzegovina  
Federation of Bosnia and Herzegovina  
CANTON SARAJEVO  
Cantonal Civil Protection Administration

Broj: 01-04-959-1/22  
Sarajevo, 13.09.2022. godine

**SKUPŠTINA KANTONA SARAJEVO**  
**n/r Elvedin Okerić, Predsjedavajući Skupštine**  
**- o v d j e -**

**PREDMET:** Odgovor na zastupničko pitanje, dostavlja se.-  
**V E Z A:** Vaš akt broj: 01-04-29326-17/22 od 28.07.2022. godine

Poštovani,

U prilogu Vam dostavljamo odgovor Kantonalne komisije za procjenu šteta od prirodnih i drugih nesreća na zastupničko pitanje Kluba zastupnika SDP, koje je postavljeno na 54. radnoj sjednici Skupštine Kantona Sarajevo, održanoj dana, 27.07.2022. godine.

S poštovanjem,

Prilog: Kao u tekstu.

Dostavljeno:

- Naslovu
- a/a

  
**DIREKTOR**  
*Dženan Brkanić*

**Kantonalna komisija za procjenu šteta  
od prirodnih i drugih nesreća**

Broj: 01-04-29326-17/22  
Sarajevo, 12.09.2022. godine

**Kantonalna uprava za civilnu zaštitu  
Fehima efendije Čurčića 1  
71000 Sarajevo**

**PREDMET:** Odgovor na zastupničko pitanje, dostavlja se

Klub zastupnika SDP je na 54. Radnoj sjednici Skupštine Kantona Sarajevo, održanoj dana 27.07.2022. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo uputio zastupničko pitanje, koje glasi:

*„Na osnovu usmenih i pismenih prijava koje su vlasnici domaćinstava podnosili Općinskom načelniku i Službi za civilnu zaštitu i mjesne zajednice, a sve sa ciljem sanacije štete na stambenim zgradama i pomoćnim objektima, privrednim i općinskim objektima, pčelinjacima, infrastrukturnim objektima i sl., a sve usljed jakog vjetra koji nas je zadesio 04. i 05.11.2021. godine, te bujičnih poplava 05. i 06.2021.godine\* koji su načinili gore pomenutu štetu.*

*Izlaskom na teren Općinske komisije utvrđene su štete u preliminarnom iznosu od 37,600.00 KM Po 26 prijava za procjenu štete.*

*Svi predmjeri radova i potreba su dostavljeni Vladi Kantona Sarajevo i Kantonalnoj civilnoj zaštiti, a sve u skladu sa Odlukom o proglašenju prirodne nesreće na području Kantona Sarajevo od 08.11.2021. godine.*

*Prema izjavama vlasnika koji su pretrpili gore pomenutu štetu, još uvijek čekaju na realizaciju onoga što im pripada u uslovima prirodne nesreće, što jeste bilo u konkretnom slučaju.*

*Također, prema izjavama pomenutih vlasnika naknada štete je realizovana na području općina Trnovo i Ilidža, što sa Hadžićima nije slučaj.*

*Pitanje za Vladu i Kantonalnu civilnu zaštitu je: zašto nije došlo do obeštećenja na području Općine Hadžići, te da li je Općina Hadžići uradila sve sa svoje strane da dođe do obeštećenja kako se gore navodi?*

*U prilogu dostavljamo Zapisnik Komisije koji je dostavljen Vladi Kantona Sarajevo.“*

\* greškom izostavljen mjesec

**Odgovor:**

Dana 03.08.2022. godine Kantonalna uprava civilne zaštite je putem e-mail-a prosljedila Kantonalnoj komisiji za procjenu šteta od prirodnih i drugih nesreća zastupničko pitanje Kluba zastupnika SDP, a koje se odnosi na obeštećenja fizičkih lica i privrednih subjekata sa područja Općine Hadžići koji su pretrpili štete usljed jakog vjetra i poplava u periodu od 04.11. do 06.11.2021. godine. Uz zastupničko pitanje priložena je kopija „Izveštaja o radu Komisije za procjenu šteta od prirodnih i drugih nesreća, pričinjenim štetama na stambenim, privrednim, infrastrukturnim i poljoprivrednim objektima usljed vjetra i poplava novembra i decembra 2021. g. na teritoriji Općine Hadžići“ koji je dostavljen Vladi Kantona Sarajevo.

S tim u vezi, obaviještavamo vas o slijedećem:

Rješenjem Vlade Kantona Sarajevo broj: 02-04-22299-33.2/22 od 02.06.2022. godine imenovana je Kantonalna komisija za procjenu šteta od prirodnih i drugih nesreća (Komisija). Rješenje je putem e-maila dostavljeno članovima Komisije dana 08.06.2022. godine, a prvi sastanak Komisije je održan dana 21.06.2022. godine, kada je Komisija od Kantonalne uprave civilne zaštite preuzela na nadležno postupanje zahtjeve općina Novi Grad Sarajevo, Ilidža, Trnovo i Ilijaš za jednokratnu pomoć za otklanjanje šteta koje su nastale kao posljedica poplava u novembru 2021. godine. Među zaprimljenom dokumentacijom nije bilo Zahtjeva Općine Hadžići.

U cilju pripreme odgovora na Zastupničko pitanje, Komisija se dana 09.08.2022. godine obratila Kantonalnoj upravi civilne zaštite zahtjevom za izjašnjenje, da li je zaprimila „predmjere radova i potreba“ Općine Hadžići, kako je to navedeno u Zastupničkom pitanju, odnosno da li je načelnik Općine Hadžići podnio zahtjev za dodjelu pomoći za otklanjanje šteta nastalih usljed jakog vjetra i poplava u periodu od 04.11. do 06.11.2021. godine, te ako je odgovor potvrđan, zbog čega Komisiji nije dostavljen predmetni zahtjev na dalje postupanje.

Aktom broj: 01-04-988.1/22 od 11.08.2022. godine Kantonalna uprava civilne zaštite se izjasnila „da uvidom u knjigu djelovodnog protokola predmeta i akata Kantonalne uprave civilne zaštite nije evidentiran zahtjev za dodjelu gore navedene pomoći, odnosno Kantonalna uprava civilne zaštite nije zaprimila „predmjere radova i potreba“ Općine Hadžići,...“.

Imajući u vidu Izjašnjenje, Komisija nije ni mogla da uzme u razmatranje zahtjev Općine Hadžići, jer isti nije ni zaprimila.

Napominjemo, da je Komisija nedavno završila svoj zadatak koji je utvrđen članom 12. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, br. 75/04, 38/06, 52/09, 56/09 i 36/14), te da je shodno članu 14. Uredbe Izveštaj o procijenjenoj šteti zajedno sa prijedlogom odluke za dodjelu jednokratne pomoći gore navedenim općinama upućen Kantonalnom štabu civilne zaštite radi upoznavanja i davanja mišljenja prije dostavljanja Vladi Kantona Sarajevo. To znači, da **Vlada Kantona Sarajevo i Kantonalna uprava civilne zaštite nisu još uvijek obeštatile niti jednu općinu pogođenu poplavama iz novembra mjeseca 2021. godine.**

Koristimo ovu priliku da ukažemo na odredbe člana 33. gore navedene Uredbe kojim je propisano da „**ako općinski načelnik procjeni da općina iz svojih sredstava ne može izvršiti zadatke na hitnom spašavanju ugroženih ljudi, odnosno saniranje svih šteta nastalih od prirodne ili druge nesreće važnih za stvaranje osnovnih (neophodnih) uslova za život ljudi na ugroženom području, može podnijeti zahtjev za traženje pomoći. Zahtjev se podnosi Vladi Kantona.**“, kao i na odredbe člana 8. Odluke o postupku i kriterijima za dodjelu jednokratne novčane pomoći općinama na području Kantona Sarajevo i drugim kantonima za otklanjanje šteta nastalih od prirodnih i drugih nesreća („Službene novine Kantona Sarajevo“ broj 10/11), posebno na stav (1) kojim je propisano da zahtjev za dodjelu jednokratne pomoći za otklanjanje (saniranje) nastalih posljedica **općina**, odnosno drugi kanton **može podnijeti samo kada svojim sredstvima nije u mogućnosti izvršiti finansiranje svih radnji na otklanjanju nastalih posljedica koje su neophodne za stvaranje osnovnih uslova za život i rad ljudi na ugroženom području (u daljnjem tekstu: saniranje šteta).**

Iz navedenog proizilazi, da je općina prva instanca kojoj se obraćaju građani u slučaju kada su pretrpili štetu zbog nastanka prirodne i druge nesreće i koja je dužna da im pruži pomoć u saniranju štete u okviru svojih mogućnosti (prikupljena sredstva po osnovu člana 180. Zakona o zaštiti i spašavanju ljudi i materijalnih dobara od prirodnih i drugih nesreća – "Službene novine Federacije BiH" br. 39/03, 22/06 i 43/10, + budžetska sredstva).

Općine Novi Grad Sarajevo, Ilidža, Trnovo i Ilijaš su u velikom procentu iz svojih sredstava obeštatile fizička lica, te ovim dajemo komentar na navode iz Zastupničkog pitanja da je naknada štete realizovana na području općina Trnovo i Ilidža.

I na kraju, vezano za pitanje da li je Općina Hadžići “uradila sve sa svoje strane da dođe do obeštećenja”, na isto ne možemo odgovoriti, budući da zahtjev Općine Hadžići nismo ni zaprimili. Uzevši u obzir sve do sada rečeno, kao i to, da su sadržaj zahtjeva za dodjelu jednokratne pomoći za otklanjanje (saniranje) nastalih posljedica od prirodnih i drugih nesreća i prateća dokumentacija utvrđeni st. (2) i (3) člana 8. Odluke, a st. (4) i (5) istog člana rok i način podnešenja zahtjeva, Općina sama može ustanoviti, da li je postupala u skladu sa zakonskom regulativom koja reguliše predmetnu oblast.

S poštovanjem,

**PREDSJEDNICA**  
**Kantonalne komisija za procjenu šteta**  
**od prirodnih i drugih nesreća**

Vesna Ilić, dipl.ing.građ.